

靈關縣志

卷一	建置志
卷二	地理志
卷三	風俗志
卷四	食貨志
卷五	官紳志
卷六	名宦志

壺關縣志卷之三

建置志

壺關舊治肇於漢代其間廢興不一逮唐中葉始移今治簡冊紀載亦覺闕如可考者自前明以迄我朝著述詎可忽耶况制作漸備諸務鼎新城池時有增修祠祀亦多剏設及橋梁之利濟塾舍之義捐不一而足焉綜其大凡用垂不朽作建置志

城池

壺關漢置縣唐貞觀十七年遷於清流川即今治始建今城明洪武二年重修周圍二里二百四十步東南

壺關縣志

卷二 城池

一

北三門景泰初知縣蘭興補修嘉靖十一年知縣邱鎧勸富民張絃新闢西門匾曰通政尋塞二十二年知縣李用敬勸諭捐金甃以甃不計高三丈五尺梁口八百四十有五張鐸爲記崇禎間知縣劉士英塞堞口存其半東南隅西北隅各建角樓一巡舖十六國朝順治十三年知縣朱輔重修復闢西門勒石以記逮康熙十八年久雨北城圯南門闔闔壞敵樓亦傾知縣章經捐修自爲記十一年知縣王達補修城濠向不聚水惟南關外稍聚水然不旋踵亦涸地高峻故也康熙二十年知縣章經損貲買石於東北城濠間

隨其高下築堰障水土民感其惠共爲立世名章公  
堰嗣城濠久淤獨堰屢經淘補規模依舊汲取不竭  
至今賴之

道光十年四月二十三日地震城垣如故梁口傾  
圯殆盡義勸各里捐金重修現在東南北三門門樓  
三座西門平房三間城角平房四座敵樓八座梁口  
計七百四十三個俱臻完固

### 公署

縣署在城西北隅敬惠坊唐貞觀年建五代宋金元悉  
因之明洪武二年縣丞陳欽建永樂間知縣孔陽修

壺關縣志

卷三 公署

一一

中爲大堂堂前爲戒石坊坊左右爲皂役棚兩廊爲  
書吏辦事房坊之前爲二門二門外左廟祀衙神右  
廟祀獄神二間外甬道前爲大門左右爲鍾鼓亭大  
堂左右爲門役房堂後爲二堂二堂後樓五間爲住  
宅大堂東爲藏恕堂前令施是彝吳之錡署令徐廷  
颺相繼修葺懸匾對面爲三堂三堂後爲幕廳又東  
廂房爲號件所又南爲廚役房又東北爲馬神廟廟  
外爲馬棚廟西新建斗室二間宅門內廂房二門爲  
門房大堂西爲書房對面爲內書室書室後若干間  
爲郡從房縣署自

國朝康熙二十年縣令章經逮雍正十三年縣令顏肇亮  
修葺之後圯壞已多乾隆三十年知縣楊宸泣任以  
次修建稍復舊制嘉慶年知縣程安重修知縣汪勳  
於三堂東創建內宅一院計房共十三間寅賓館乾  
隆三十五年知縣秦之柄修今廢

典史署在大堂西典史祝志遠修

外委署在縣署大門東乾隆二十二年知縣楊宸修  
公館在縣署西上房二間東西內廂房各二間西小院  
一所北房五間內宅門一間東西耳房各一間正廳  
三間廚房三間東客廳三間外廂房東西各三間二

壺關縣志

卷二 公署

三

門一座門房二間大門一座三間乾隆三十二年知  
縣楊宸建嘉慶年知縣汪勳補修歷任入交代冊  
按舊志有縣丞宅主簿宅察院行署按察分司行署  
俱廢存察院演武場地八畝今爲學田  
僧會司在縣西門外福嚴寺

道會司在城內城隍廟

陰陽學醫學

學校

壺關縣爲中學額入文學十二名武學十二名廩生二  
十名增生二十名學宮在縣東南元至元間縣尹鄧

朗重建延祐間縣尹張德明洪武間知縣呂士安  
溥馬成永樂間知縣張著馬興成化間知縣任式嘉  
靖間知縣張友直段錦何永慶萬曆間知縣張祥方  
應明天啟間知縣楊學程次第修葺知府劉公復初  
相度陰陽建泮池尊經閣體制煥然矣廟制中爲大  
成殿旁爲東西廡前爲大成門舊名戟門門外爲泮池池  
左爲名宦祠右爲鄉賢祠泮池前爲櫺星門門左右  
參天兩地坊教諭王執蒲建殿後爲啓聖祠祠西爲  
敬一亭廟東爲明倫堂堂前兩廊爲日新時習居仁  
由義齋東爲文昌祠直前爲禮門去禮門數十武東

壺關縣志

卷二 學校

四

南城隅爲魁星樓左爲忠義祠右爲節孝祠知縣楊  
宸建明倫堂後爲尊經閣左爲教諭宅右爲訓導宅  
國朝順治十三年知縣朱輔重修十五年生員楊振豪獨  
力損修廟學准貢康熙十七年知縣章經教諭張瑞  
錦捐俸重修乾隆五年知縣劉汝翼領帑修理二十  
四年訓導衛勤修建敬一亭三十一年知縣楊宸教  
諭王執蒲訓導孫悉典史祝志遠協力重修改建啓  
聖祠敬一亭

文廟文昌宮學署乾隆四十七年知縣向崑次第重修  
道光六年知縣張文鱗補修 文廟泮池較昔費功

既多規模鞏固芹藻交映四時不涸宮牆美富稱偉  
觀焉事俱詳碑記

### 書院

壺林書院明萬曆年邑令方應明所建也舊名尙友書  
院在儒學東歲久傾圯逮乾隆二十一年邑令馬璫  
勸邑紳杜樞王錫璵郭恒等重爲捐修未蒞事而去  
知縣陳誠繼爲落成始改今名計大門一座二門一  
座北廳三楹東西耳房四楹廂房十楹厨房二楹督  
工者邑庠郭崑惟時膏火之費尙闕如也鄉耆秦學  
珍慷慨樂施捐紋銀壹千兩又歷年積利銀陸百肆

### 壺關縣志

### 卷三

書院

五

拾兩零併交當舖按月一分五厘生息每年得利銀  
貳百玖拾伍兩捌錢壹分肆厘四季支交嘉慶戊辰  
邑令汪因念前項生息不敷與貢生王長齡等續捐  
元銀壹千柒百壹拾兩零除書院一切花費外淨餘  
紋銀壹千零陸拾兩零發當舖按月壹分貳厘伍毫  
生息每年得利銀壹百伍拾兩零夏冬兩季支交二  
宗每年共得利銀肆百伍拾兩零向係署內經管自  
嘉慶八九年後歇業當舖交付本金致有虧短失去  
十二舖本金共紋銀叁百叁拾餘兩經邑紳稟催在  
案因該房經手經書業已亡故無從察查抵補現在

實存舊新本金共貳千叁百柒拾肆兩玖錢貳分每年共得利銀叁百玖拾肆兩柒錢壹分擇邑紳之公正者經管署內禮房均不經手所有一年師生脩膳膏火及院內一切花費若干兩餘銀若干兩年終開列清冊交署過硃發房以備查考書院地十四畝半在睢庄村每年收租錢四千文至掌教修金膳儀節禮生童膏火數目俱詳碑記茲不備載

### 社學

社學之設養而兼教法至良也天之生才不限資格古來名公巨卿往往由寒微而致通顯今豈異於古所

壺關縣志

卷三

社學

六

云耶若子產不毀鄉校文翁興學化蜀皆此物此志也考邑乘舊有社學在縣治北門日久社倉旣廢學亦俱廢後起之秀何以觀感然有治人無治法修舉廢墜是在蒞斯土者鼓舞而振興之

### 兵防

壺關縣分防潞澤營外委把總一員駐縣城戰守步兵十名官馬一匹

分汎一處大河營即今河郊口駐兵三名本城外委管轄

分隸玉峽關營汎兵五名仍屬分防平順舊城外委管

轄

壇廟

文廟在城內縣治東南詳學記

正殿兩廡位次謹遵

會典錄列於後

正殿

至聖先師孔子神位 正中南向

四配

復聖顏子家語字于淵魯人

述聖于思子

壺關縣志 卷三 壇廟

七

在殿內東旁西向

宗聖曾子家語字子輿南武城人

亞聖孟子趙岐題辭鄒人漢書注字子車一

在殿內西旁東向

東西序

先賢閔子名損家語字騫魯人

先賢冉子名雍家語字康成云魯人弓

先賢端木子名賜家語字子貢衛人

先賢仲子名由家語字季魯下人

先賢卜子名商家語字夏衛人



先賢有子 名若年升列東哲之次

在殿內次東旁西向

先賢冉子 名耕家語字

先賢宰子 名予家語字

先賢冉子 名求家語字

先賢言子 名偃家語字

先賢顓孫子 名師家語字

先賢朱子 名熹本傳字元晦一字仲晦徽州婺源人

在殿內次西旁東向

東廡

壺關縣志

卷三 壇廟

先賢蘧 名瑗史記字伯

先賢澹臺滅明 家語字子羽

先賢原 名憲家語字子思宋

先賢南宮适 史記字子容魯人

先賢商 名瞿家語字

先賢漆雕開 家語字子開鄭云魯人

先賢司馬耕 史記字子牛孔安國云

先賢梁 名鱣字一叔齊家語

先賢冉 名孺史記字子魯家語作

先賢伯 名虔家語字

先賢冉季家語人字子

先賢漆雕徒父家語子作漆雕從

先賢漆雕哆史記字子斂鄭云

先賢公西赤家語字子

先賢任不齊家語字子楚人選史

先賢公良孺家語字子

先賢公肩定史記字子中鄭云魯人或曰

先賢鄭單家語字子家載史

先賢罕父黑家語字子素

先賢榮旂家語字子榮

壺關縣志

卷三 壇廟

九

先賢左人郢史記字子左郢云魯人

先賢鄭國史記字子

先賢原亢史記字子原亢籍家

先賢廉潔家語字子曹衛

先賢叔仲會家語字子期魯

先賢公西輿如史記字子輿如魯人

先賢邾翼史記字子斂魯人

先賢陳亢家語字子亢史

先賢琴張通志載琴張字子開一字張

先賢步叔乘家語字子

先賢 非 之家魯語人字子

先賢顏 噲 家語人字子

先賢顏 何 史記魯字人冉

先賢縣 亶 一家語字子豐

先賢樂正克

先賢萬 章

先賢周敦頤 州字茂道叔人宋

先賢程 顥 河字伯淳人朱

先賢邵 雍 河字堯夫人宋

先儒公羊高 齊周人末

壺關縣志

卷三 壇廟

十

先儒伏 勝 字子賤濟南

先儒董仲舒 廣字寬夫漢

先儒后 蒼 東字近郊人漢

先儒杜子春 緱東氏河南

先儒諸葛亮 南字孔明季漢

先儒王 通 龍字仲淹隋

先儒陸 贄 道光六年從視

先儒范仲淹 蘇字希文宋

先儒歐陽修 廬字永叔宋

先儒楊 時 劍字中立宋南

先儒羅從彥 字仲素 南劍州人

先儒李侗 字愿中 劍浦人 宋南

先儒呂祖謙 字伯恭 婺州人 宋

先儒蔡沈 字仲默 建陽人 宋

先儒陳淳 字安卿 漳州人 龍溪人 北溪

先儒魏了翁 字華父 蒲江人 宋 邛

先儒王柏 字會之 婺州人 金華人 齋

先儒趙復 字安甫 德安人 元

先儒許謙 字益之 州人 金華人 元 婺

先儒吳澄 字幼清 州人 崇仁人 元 撫

壺關縣志

卷三 壇廟

先儒胡居仁 字叔心 餘干人 明

先儒王守仁 字伯安 餘姚人 明

先儒羅欽順 字整菴 太和人 明

先儒黃道周 字幼平 漳人 號石齋 明 浦

先儒湯斌 字潛菴 人道光二年 從祀 河南

西廡

先賢林放 魯人

先賢宓不齊 魯人 子

先賢公冶長 齊人 字子長 魯人 史記

先賢公皙哀 齊人 史記 字季沉 齊人

先賢高

柴

人鄭語云子衛人羔齊

先賢樊

須

人鄭語云子齊人遲魯

先賢商

澤

一家語作字子季秀

先賢巫馬施

施

人史記語字子旗鄭云魯

先賢顏

辛

史家語通字子柳魯幸人

先賢曹

邴

子家循記字

先賢公孫龍

龍

人史記語字子龍鄭云楚

先賢秦

商

記家語字子丕鄭云楚人史

先賢顏

高

家史記語作字顏刻

先賢壤駟赤

赤

記家語字子徒秦史人

壺關縣志

卷三 壇廟

十二

先賢石作蜀

蜀

作史記語字子蜀成明紀家人語

先賢公夏首

首

守史記語字子乘魯人語作

先賢后

處

齊史記語字子里云

先賢奚容蒧

蒧

家史記語作字子義衛人

先賢顏

祖

顏史記語字子襄魯人語作

先賢句井疆

疆

家語字子

先賢秦

祖

人鄭語字子秦人南魯

先賢縣

成

字家語字子鄭云橫魯人記

先賢公祖句茲

茲

作史記語字子茲魯人語作

先賢燕

伋

史記語字子思魯人語作

先賢

欬

家史語作字

人人

先賢狄

黑

家史語字哲之

先賢孔

忠

史記通志同家語作孔子  
弗字子蔑孔子尚

先賢公西蒧

家語字子尚  
鄭云魯人

先賢顏之僕

家史語字子叔魯  
人記字子叔魯

先賢施之常

家語字子

先賢申

振

史記作黨字周正義云魯  
人記語作績注以爲即振

先賢左邱明

中都人受經圖曰魯  
人楚左史倚相之後

先賢秦

冉

史記人字  
開蔡人

先賢牧

皮

壺關縣志

卷三 壇廟

十三

先賢公都子

先賢公孫丑

先賢張

載

字子厚宋  
郟縣人

先賢程

頤

字正叔  
顯弟

先儒穀梁赤

周末  
魯人

先儒高堂生

謝承云秦季有高  
堂伯則伯是其字

先儒孔安國

字子國漢人孔  
子一世孫

先儒毛

萇

漢趙人

先儒鄭

元

字康成東  
北海高人

先儒范

甯

字子  
人

先儒韓愈字退之唐南陽修武人

先儒胡瑗字翼之宋秦州海陵人

先儒司馬光字君實宋水人

先儒尹焞字彦明一洛人

先儒胡安國字康侯宋建寧安人

先儒張栻字敬夫宋綿竹人

先儒陸九淵字子靜宋金谿人

先儒黃幹字直卿宋福州閩縣人

先儒真德秀字景元更字景希宋浦城人

先儒何基字子恭宋州金華人

壺關縣志 卷三 壇廟

先儒陳潞字可大元江西昌縣人

先儒金履祥字吉甫元谿人

先儒許衡字子真元河津人

先儒薛瑄字德明河津人

先儒陳獻章字公甫明新會人

先儒蔡清字介夫明晉江人

先儒劉宗周字起東號念臺明陰道人

先儒呂坤字叔簡號新吾明陵道人

先儒陸隴其字稼書號從朝人

先儒孫奇逢字容城人泰道號光鍾八年從朝祀

啟聖公祠舊在文廟西北乾隆三十二年知縣楊宸

祠偏處西北隅且壞重建於正南向之敬一亭爲祠

即於祠西舊址改建敬一亭

詳學校

### 後殿

肇聖王木金父正中南向

裕聖王祈父東一室南向

詒聖王防叔西一室南向

昌聖王伯夏東二室南向

啟聖王鄴邑大夫叔梁紇西二室南向

### 配位

壺關縣志

卷三

壇廟

十五

先賢顏氏名無繇字季路回之父

先賢孔氏名鯉字伯魚

在殿內東旁西向

先賢曾氏名點字皙

先賢孟孫氏名激公

在殿內西旁東向

東廡西向

先儒周氏名輔成周子敦頤之父

先儒程氏名珦字伯溫封永年伯二程子顥頤之父

先儒蔡氏名元定字季通蔡子沈之父



西廡東向

先儒張氏 張子載之父

先儒朱氏名松字喬年朱子熹之父

文廟春秋祭儀注

一前期二日承祭各官均在本衙門致祭二日齋宿  
於外

一前期二日用白紙糊板黃紙鑲邊墨書祝文本學  
教官具補服親捧祝板禮生前導送至

正殿中案上安設一跪三叩首退

一前期一日承祭各官具蟒袍補服監視宰牲併座

壺關縣志

卷三

壇廟

十六

毛血贊禮生引承祭官詣

正殿視祝板上香一跪三叩首退立兩廡親視演禮

一正祭日五鼓各官朝服齊集入戟門內贊禮生引  
各官至臺階下立唱執事者各執其事分獻官就  
位陪祭官就位承祭官就位贊禮唱啟戶啟牲饌  
蓋迎

唱神降參神各官俱行三跪九叩首禮興贊禮唱行

奠帛初獻禮引承祭官詣盥洗所盥洗淨巾詣酒

奠所司尊者舉觶酌酒司帛者捧帛詣

至聖先師孔子神位前跪唱奠帛獻帛唱奠爵獻爵

首興唱詣讀祝位跪衆官皆跪讀祝文畢叩首興贊禮唱分獻禮詣

復聖顏子位前唱跪奠帛獻爵叩首興次詣

宗聖曾子位前次詣

述聖子思子位前次詣

亞聖孟子位前奠帛獻爵俱如前儀其

十二哲兩廡分獻官奠帛獻爵俱照承祭官行禮唱復位承祭官分獻官各復位立贊禮唱行亞獻禮唱詣酒尊所執爵陞

壇如初獻儀唱復位承祭官分獻各官復位立贊禮

壺關縣志

卷三

壇廟

十七

唱行終獻禮唱詣酒尊所執爵陞

壇如亞獻儀唱詣飲福受胙位跪飲福酒受福胙三叩首興復位贊禮唱送

神承祭官陪祭官分獻官俱行三跪九叩首禮興贊禮唱辭

神撤饌司尊者捧尊司帛者捧帛各詣燎所唱詣望燎位焚祝帛望燎復位唱闔戶禮畢撤班各退

崇聖祠春秋祭儀注

一正祭日贊禮生引承祭各官俱朝服先祭

後殿詣

聖王

裕聖王

詒聖王

昌聖王

啟聖王位前奠帛獻爵讀祝俱如前殿儀行三跪九叩

首禮分獻詣

先賢顏氏

先賢曾氏

先賢孔氏

先賢孟孫氏位前奠帛獻爵亦如前殿四配儀亞獻

壺關縣志

卷三

壇廟

十八

終獻如初獻儀送

神復行三跪九叩首禮興贊禮唱捧祝捧爵各恭詣燎

所唱詣望燎位焚祝帛望燎復位禮畢各退

乾隆九年奉部頒發祭正殿

至聖先師祝文曰惟

先師德隆千古道冠百王揭日月以常行自生民所未

有屬

文教昌明之會正禮和樂節之時辟雍鍾鼓咸格薦於

馨香泮水膠庠益致嚴於籩豆茲當仲春祇率爨

章肅展微忱聿將祀典以

復聖顏子

宗聖曾子

述聖子思子

亞聖孟子配尚

饗

祭後殿

肇聖王

裕聖王

詒聖王

昌聖王

壺關縣志

卷三

壇廟

十九

啟聖王祝文曰惟

王奕葉鍾祥光開聖緒聖德之後積久彌昌凡聲教所  
覃敷皆循源而溯本宜肅明禋之典用申守土之

忱茲屆仲

春秋

聿將祀典 以

先賢顏氏

先賢曾氏

先賢孔氏

先賢孟孫氏尚

饗

禮器

簋百十五 盛黍

簋百十五 盛梁

犧尊六

終獻

象尊十 貯亞獻酒

大尊二

壺尊六

山尊二

著尊二

壘二

爵百十八

玷二十八

龍勺二十八

籩二百四十八

豆二百四

十八

登六

俎一百三

十三

筐二十 用以承幣

雲雷尊 貯

初獻酒

鉶 用薦和羹

鼎

祝板 高九寸濶一尺二寸

樂器

壺關縣志

卷三 禮器

二十

麾旛一 麾生執以起樂止樂

應鼓 每奏樂一句以槌擊者三

鼗鼓 以

應鼓節樂

笛四

簫四

搏拊二 擊以節樂

祝一 擊以起樂

敔一 節樂以

編磬十六 玉振之也

編鍾十六

笙六

排笙二

琴六

瑟二

箎二

塤

節 執立於

東西兩階以導舞

翟四十八 右手執之

籥四十八

左手執之以舞

歌生笏六

琴六

瑟四

楹鼓一

應鼓一

金鐘十六

玉磬十六

搏拊二

鼗鼓二

田鼓二

笙六

迎神送鐘一

迎神送鼓一

鳳四

塤一

箎一

洞簫六

龍笛六

祝一

敵一

麾旛二

旌節二

琴桌六

迎送神提爐二

迎送神宮燈二

瑟架八

左舞籥十八

右舞翟十八

左舞翟十

八

右舞籥十八

楹鼓梁一

單楹鼓傘一

懸金鐘龍頭架一

懸五磬鳳

頭架一

搏拊架二

鼗鼓架二

壺關縣志

卷三

樂器

二十一

田鼓架一

迎送神鐘架一

迎送神鼓

架一

金鐘架鬚二

玉磬架鬚

二

洞簫鬚六

龍笛鬚六

麾旛架二

旌節架二

高燈架十

二

籥翟朱漆桶二

正執事樂舞生葵花補紅袖衣服九十八

提爐 錦緞一丈二尺

按上載禮器 器陳設悉照文廟考略錄入但查邑

廟中自鐘鼓而外凡陳設器具以及磬管祝敵咸

有也現在議設樂舞生竝 製樂器禮具庶幾煌煌

乎明脩之休焉

名宦祠

在文廟左

鄉賢祠

在文廟右並詳學校

忠義祠

雍正五年知縣陳如平建乾隆三十二年知縣楊宸移建儒學前

節孝祠

在儒學前乾隆三十二年知縣楊宸建

文昌閣在明倫堂東南面康熙二十年知縣章經修葺

祥學校

文昌廟一在儒學前一在南關廂祭期同上丁

關帝廟在縣南關廂知縣徐行以廟貌弗稱路巷窄隘遷於正南崔府君廟塑像易以冕旒祭期春秋仲月

壺關縣志

卷三

名宦祠

一二十一

上巳日萬曆二十年知縣趙汝梅修順治十三年知縣朱輔易民田開擴之俱有碑記

城隍廟在城內敬惠坊洪武二年縣丞陳欽建今制歲以春秋二仲月上巳日合祭於風雲雷雨山川壇寢宮牌坊道光十一年知縣茹金重修

先農壇在縣南門外一里雍正五年知縣陳如平建社稷壇在城外西北一里明洪武二年縣承陳欽建雍正十二年知縣顏肇亮修今制歲以春秋二仲月上巳日致祭

風雲雷雨山川壇在城外西南一里洪武二年建雍正

十二年知縣顏肇亮修今制歲以春秋二仲月上巳日致祭

邑厲壇在縣北三里洪武八年建今制歲以清明日七月十五日十月初一日致祭

大禹廟在辛村元延祐六年建

府志云大禹治水經歷之所也

唐太宗廟在縣南七里四家池有司歲以六月二十四日致祭

魁星樓先在儒學二門內後移燕子池西南城隅乾隆間知縣向崑始建今樓高崇數仞足以壯觀瞻而啟人文鳳山旁峙萍水環流誠一方名勝也

壺關縣志

卷三 名宦祠

一二十二

李衛公廟在縣北關廂元至元十六年建

五龍祠魏地形志壺關有五龍祠今不知其處或謂即今盤陀底村五龍廟是每年四月十九日有司致祭里人亦虔奉之

元武廟在縣南二里高望山頂亦名神山廟內兩旁東崔府君西子孫娘娘再西三巖神每年六月六日有司致祭南關廂東河韓村清流各村共襄祀事

東嶽廟二一在縣東南五里秦庄村有司以三月二十八日致祭一在遷善村

風穴廟在縣東北二十里王嶺村風穴山下前對孤山



廟西有石竅深不可測其中時有風聲土人以爲神立廟奉祀創自宋淳化間歷代修葺各有碑記每歲四月初四日有司親詣致祭至

國朝嘉慶年間邑人李燮元倡衆重修於廟旁又得一新穴風聲不息每日巳午未時更大依山構亭煥然改觀亦邑景之甚佳者

崔府君廟在南關廂順治十六我縣令朱輔徙建西南山

東嶽天妃廟在北關順治十七年重修

玉皇廟在沙窟村元初建每逢歲旱同郡各屬禱雨立

壺關縣志

卷二 名宦祠

一二十四

應年久廟傾康熙二十年知縣章經重修有碑記

北極廟在縣南四十里栢林村邑人楊奇爲碑記

三巖廟在縣西三里程村元至大四年重修

龍王廟三一在縣署西乾隆三十二年知縣楊宸建邑

人馮文止記一在福巖寺一在東關

真澤二真人廟在縣東南八十里神郊村按二真人樂

氏女微子之後本屯留李村人後徙紫團鄉益陽里

因採靈芝遇風而昇土人立祠祈禱悉應祠東南幽

谷間曰櫻桃掌有真人父母墓其碣署唐乾甯甲寅

歲紀父母姓氏時真人降神於巫命改瑩北宋大觀

三年秋旱守臣禱之而雨丐奏仙號以旌嘉應政和  
辛卯夏四月丙辰勅封真人之號長曰冲惠次曰冲  
淑廟額曰真澤大建祠宇凡百餘楹縣令李元儒撰  
修號記金末傾圮元至元五年重修上黨宋渤撰記  
金陵川趙時安二仙祠記宋崇寧間西夏弗靖軍旅  
乏食忽二女子鬻飯救度錢無多寡皆令饜飫軍將  
舉奏遂加封號

風王廟在遷善里

山大王廟在安善里

神農廟在安化里邑人杜敦有碑記

壺關縣志

卷三

名宦祠

一二十五

文昌廟一在儒學前一在縣南關廂祭期同上丁  
藥王廟在縣東南三里秦庄村鳳凰山明正德間邑人  
郭修重建有邑人楊鴻碑記

二郎廟在安善里

八蜡廟在邑治南壇康熙二十年知縣章經重修  
三老祠在南關廂順治十八年知縣朱輔移建城中康  
熙二十年知縣章經雍正八年知縣許溥重修  
四輔杜公祠在林青村邑人張鐸有記

白馬祠

劉公祠

魏地形志壺關城有二祠

今廢

寺觀

福巖寺在縣北二里龍溪山金大定二十六年建明洪武間置僧會司併洪福聖壽勝泉大明四寺入焉大覺寺二一在縣南七里四家池一在新興里消軍嶺洪福寺在縣東十五里崇賢村

金山寺在縣北十五里黃陀村元釋子晏建寺無水晏嘿祝巽巖甘泉湧出

廣慈寺在東南三十里烏泉山

多寶寺在縣南四十里東柏林村隋開皇年建

寶相寺在縣東南七十里城寨村

雲蓋寺在紫團山下即駐雲亭也宋王寀明張鐸周一

壺關縣志

卷三 寺觀

一二十六

梧胥有詩寺旁有參園即南極園昔有服參飛仙者西有磨崖碑

崇雲寺在縣東南百三十里南河椒南碕底張鐸周一梧有詩

白雲寺在紫團山上昔紫團真人修真冲舉於此元道榮亦隱此寺前有將軍峯即東西二華表也

慈雲寺在縣東南百里紫團山畔

竹巖寺在縣東南百六十里土人名山崇寺

烏泉寺在烏泉山

祥鹿觀在縣東北三里修善村唐乾封元年建相傳徐

王元禮爲潞州刺史時獵於檀山逐白鹿至此隱穴  
中因建觀賜金額明洪武十五年置道會司並靈顯  
丹陽歸真三觀入焉

孤松觀在縣南四十里

舊志無增入

吉祥觀在縣南三里

馮善寺在遷善里

清涼寺在安善一里清涼山元延祐四年建釋慧冲居  
此明崇正五年僧寂慧募修

大明寺在縣東南十五里東歸善村

福興寺在新興里

壺關縣志

卷三

寺觀

一二十七

龍虎寺在新興二里

寶巖寺在新興二里太行山頂一名金燈寺寺胥石室  
石像北周芊上人修此土人傳寺僧坐禪夜有金燈  
數盞由南山飛入佛前後僧童持筭撲地及視之乃  
樹葉也自是金燈不常見有誠祈者止現崖畔崔士  
棨遊山澗中夜見五燈有詩

清源寺在安善里

龍泉寺在新興里有龍泉水洞

靈顯觀在安善里孝文村世傳呂純陽題詩壁間元至  
元二十二年道士牛志信重修進士馬之美撰記并

刻呂仙詩石

按壺關舊志亦有靈顯觀而不言其所是指平順未  
分時言之非此外別有一靈顯觀也

詩記見藝文

里甲

三老鄉七里

永平三里 好義三里 永興二里

永興五里 太平一里 太平二里

長興一里

紫團鄉五里

安伏一里 代林三里 代林三里

壺關縣志

卷三 里甲

二十八

代林五里 長林二里

崇陽鄉五里

修善二里 永林二里 崇賢一里

清林二里 林清一里

通潤鄉七里

黃中一里 眉受一里 長興二里

長興三里 長興四里 崇受一里

永安一里

新安鄉十里

新興一里 新興二里 新興三里

新興四里 安化一里 遷善一里

遷善二里 安善一里 安善二里

安善三里

常平倉在縣署西乾隆三十一年知縣楊宸重修又添

建六間共五十八間

社倉在在馮坡村一在程頭村一在晉庄村一在長寧

村今俱廢

義倉一在城北關廂一在辛村一在樹掌村一在東柏

林村一在固村一在龍鎮村一在烏落村今俱廢

坊巷

壺關縣志

卷三 坊巷

一二十九

敬惠坊 聚賢坊 澄清坊俱廢上 宣化坊

儒林坊 城隍坊 迎恩坊在北門外

三老坊為漢三老令狐茂立乾隆十三年邑人程貴重修 四輔坊為四輔杜立

翰林吉士 司馬大夫 進士坊俱為張鐸立 東郡太

守為知府楊能立 兩浙大參為參政楊奇立 先朝元老在林青村為

四世孫釵立兵備 錦衣坊在縣前為錦衣衛鎮撫楊綱

物故且家於京師輒改坊匾為忠愛不知何所 榜眼坊

取義失表楊之初意矣

進士坊 一為成化辛丑楊奇立 一為嘉靖壬辰楊

鎡立俱在縣北街 一為嘉靖丙戌張鐸立在縣南街

科第坊

立為永樂甲午科  
在儒學巷東口

鵬程坊

立為永樂丁酉  
在縣東

蟾桂坊

為正統九年張能立  
在縣北門內街東

世科坊

在吉坊前為天  
己卯楊能成化庚

父子立

觀光坊

為成化辛卯楊鴻立

鄉薦坊

為宏治辛酉科程瀚立

錦坊

宏治甲子科

七俊坊

為牛澄郭希楊鎡七人立  
楊洛張鎮張鐸七人立

亞魁坊

為

子科今廢

經魁坊

為辛卯郭忻立

龍躍坊

甲子科閆希門

聯壁坊

為張鎮張鐸兄弟立

尚義坊

正統六年奉勅旌表  
義民郭麟孫郭榮建

義民坊九

為郭麟楊慶俊王代昇王英

牛聚良王仕亨

閆節路環立

貞節坊

一為王觀妻程氏立

洪武十九年

一為生員楊昱

妻呂氏立

嘉靖十二年

壺關縣志

卷三 坊巷

三十一

考舊志科第坊尚義坊不下二十餘所皆所以表揚

前徽激厲後人也今俱廢所存者惟三老四輔與奪

錦耳然坊雖廢而志猶載之是廢而不廢也我

朝捷南宮登賢書科第聯輝不殊於古何建坊者少也

豈習俗之不尚與抑今人絀於財不及古之豐盈與

夫習俗不尚與絀於財皆可慨焉附而書之以待後

之振興者

巷

儒林巷

東井巷

城隍巷

郭家巷

閻家巷

牛家巷

韓家巷

鎮集

大峪 長半屬治屬 馮坡 固村 辛村 杏城 趙城

花園 古任

村庄

三老鄉在縣西南 計三十村

清流 韓村 秦庄 內村 四家

石道 陽護 宋堡 靳庄 砂窟

紫南 新寨 神後 常家 黃山

南掌 北掌 山頭 宋壁 好牢

馮坡 西柏林 大峪 莊頭 南河

壺關縣志

卷三 村庄

三十一

東柏林 南村 南底 魏家 高家

紫團鄉在縣東南 計四十村

趙屋 五集 水臺 馬鞍 韓庄

白砂 葛家庄 西坡 程寨 程頭

方山 沙堰 東井 墟家 神郊

大會 上河 崔家 劉宅 王宅

白池 白浮屠 綠池 長寧 牛居

墟壤 郭家 林青 石井會 西嶺

北對川 和蹬 橋頭 大安 西堡

郭堡 東韓 西韓 固村 洪掌



崇陽鄉在縣東 計二十六村

修善 石門 水池 上煤 下煤

陽家庄 東歸 西歸 川底 三望

山後 迎落 塔地 池後 暢村

孤店 晉庄 山佳 山桑 料窑

西崇賢 河南 常平 側井 王嶺

王掌

通潤鄉在縣北 計一十六村

東庄 南凰 北凰 土河 東關壁

西關壁 長井 三家 天池 西旺庄

壺關縣志

卷三 村庄

三十一

李掌 睢庄 即店 程村 騫堡

石橋

橋梁

進德橋在北門外元延祐六年縣尉宋賽因不花始建

宏治初義官閔子昇重修

太平橋在南門外宏治間義官郭榮建

龍溪橋在縣西北二里許福巖寺旁元至元二年建

長井橋

合峪橋邑舉人楊河為之記明正德癸酉鄉民李思恭

建

陡溝橋在縣南三十里僧普來募緣爲之尙虧一簣  
黃山橋在黃山村橋下有泉東流冬夏不竭知縣朱輔  
捐俸令鄉耆王家棟等重修

觀光橋在柏林

大安橋在大安村中通紫團及陵川路

永濟橋邑進士郝秉誠爲之記

石橋方侯應明有記

章公堰在東北城濠康熙二十年知縣章經建闔縣士

民立石

玉帶橋在南關廂外康熙二十年知縣章經建乾隆三

壺關縣志

卷三

橋梁

三十二

十一年知縣楊宸重修

藏龍橋在大覺寺西漢光武因王莽追之急藏於橋下

故名

落絲橋在遷善里因水細故名路通上黨

龍騰橋在新興里俗傳橋下起龍故名

柏橋在遷善里以柏木結構而成歷久樸堅

新增橋梁

金龍橋在辛村

樂善橋在下內村鄉耆秦學珍建

秦公橋在石岩頭村

秦公橋在店坡秦學珍建

通便橋在修善村

卜通橋在修善村

德風橋在程村

普通橋即卜通橋在修善村嘉慶二十五年村人王樞等倡衆重修易土爲磚較舊寬敞往來行旅人甚便之樞子監生發政有句云我喜親心愜人忘客路難神掌橋在馬駒村嘉慶二十五年易土爲石上建文昌

閣三間

關帝橋在川底村旁建有廟故名

壺關縣志

卷三

橋梁

三十四

西平橋在東庄村

永濟橋在常平村

養濟院在城北關廂房屋三間額設孤貧三名

普濟堂在城西門外三官廟旁與留養局同院共屋八間

育嬰堂在城北關廂房三間

